

VENDIM

Nr.708. date 16.10.2003

PER MENYREN E LICENCIMIT DHE TE FUNKSIONIMIT TE AGJENCIVE PRIVATE TE PUNESIMIT

Ne mbështetje te nenit 100 te Kushtetutës dhe te nenit 19 te ligjit nr.7961, date 12.7.1995 "Kodi i Punës i Republikës se Shqipërisë", i ndryshuar, me propozimin e Ministrit te Punës dhe te Çështjeve Sociale, Këshilli i Ministrave

VENDOSI:

1. Veprimtaria private e ndërmjetësimit ne pune te ushtrohet vetëm nga agjencitë private te punësimit (ne vazhdim agjencia), te licencuara pas përmbushjes se kërkesave te përcaktuara ne këtë vendim.
2. Agjencia private e punësimit regjistrohet si person fizik/juridik, privat dhe e ushtron veprimtarinë e ndërmjetësimit ne pune nëpërmjet këtyre shërbimeve:
 - a) informimit, këshillimit, si dhe vlerësimit te kërkesave dhe te aplikimeve për ndërmjetësimin për pune;
 - b) kërkimit te vendeve te punës;
 - c) ndërmjetësimit për përcaktimin e kushteve dhe lidhjen e marrëdhënieve te punës, ndërmjet punëkërkuarit dhe punëdhënësit.
3. Për punësimin e shtetasve shqiptare jashtë shtetit, agjencia zbaton te gjitha marrëveshjet dypalëshe te Qeverise shqiptare me vendet përkatëse.
4. Shërbimet e agjencisë për punëkërkuarit janë falas. Agjencia nuk e ngarkon punëkërkuarin me asnjë detyrim financiar, te drejtpërdrejtë ose te tërthortë, me përjashtim te pagesës se shpenzimeve te nevojshme për plotësimin e dosjes administrative te çdo punëkërkuari.
5. Shpenzimet për shërbimin e ndërmjetësimit, te kryera nga agjencia, te përballohen nga pala punëdhënëse.
6. Agjencia siguron trajtim te barabarte për te gjithë punëkërkuarit. Asnjë punëkërkuar nuk mund te diskriminohet për shkaqe te tilla, si: gjinia, raca, feja, etnia, gjuha, bindjet politike, fetare a filozofike, gjendja ekonomike, arsimore, shoqërore ose përkatësia prindërore.

7. Punëkërkuksi i ndërmjetësuar ne pune nga agjencia gëzon te drejtën për negociimin kolektiv, pagën minimale, kohen dhe kushtet e punës, përfitimet e sigurimeve shoqërore, mbrojtjen e sigurisë dhe te shëndetit ne pune.

8. Agjencia duhet te njoftoje punëkërkuksin për kushtet e punës dhe te punësimit, përpara fillimit te marrëdhënieve te punës.

9. Agjencia nuk duhet te ndërmjetësoje për punëkërkuksin ne vende pune, qe paraqesin rrezik e pasiguri për jetën dhe shëndetin e tij ose ku mund te jete subjekt abuzimi a trajtimi diskriminues. .

10. Personeli i agjencisë, për shërbimet qe ofron, duhet te këtë kualifikimin dhe trajnimin e nevojshëm.

11. Agjencia bashkëpunon me zyrat shtetërore te punësimit për:

a) mbledhjen, shkëmbimin e te dhënave dhe përdorimin e terminologjisë se përbashkët për përmirësimin e transparencës se funksionimit te tregut te punës;

b) shkëmbimin e njoftimeve për vendet e lira te punës;

c) lidhjen e marrëveshjeve për zbatimin e veprimtarive te ndryshme;

ç) trajnimin e stafit.

12. Ministri i Punës dhe i Çështjeve Sociale është autoriteti përgjegjës, i cili lëshon licencat për agjencitë private te punësimit.

13. Pranë Ministrit te Punës dhe te Çështjeve Sociale ngrihet dhe funksionon komisioni i shqyrtimit te kërkesave për licencimin e këtyre agjencive. Mënyra e funksionimit dhe përbërja e komisionit përcaktohen me udhëzim te Ministrit te Punës dhe te Çështjeve Sociale.

14. Dokumentet e nevojshme qe duhet te paraqiten për licencim janë:

a) kërkesa me shkrim për ushtrimin e veprimtarisë;

b) vendimi i gjykatës për regjistrimin si person fizik/juridik;

c) vërtetimi nga banka, deri ne marrjen e licencës, për gjendje te ngurtësuar, ne llogari rrjedhëse te shumës jo me pak se 100 000 (njëqind mije) leke te subjektit kërkuks;

ç) vërtetimi për shlyerjen e detyrimeve fiskale e te sigurimeve shoqërore për tre muajt e fundit;

d) vërtetimi nga gjykata dhe prokuroria, i cili vërteton se kërkuksi i licencës nuk është ne ndjekje penale;

dh) vërtetimi nga gjykata, i cili vërteton se subjekti fizik/juridik nuk është ne process falimentimi;

e) vërtetimi i gjendjes gjyqësore te kërkuksit, ortakut, aksionarit dhe anëtarëve te organeve drejtuese te subjektit qe ka kërkuar licencën;

ë) përshkrimi i hollësishëm i veprimtarisë që kërkon të kryejë;

f) planimetria e mjediseve të agjencisë dhe një liste emërore e personelit, që përfshihet në procesin e ndërmjetësimit, e shoqëruar me CV -te përkatëse;

g) fotokopja e noterizuar e dokumentit të identifikimit dhe 2 fotografi të kërkuarit/kërkuarësve.

15. Licenca për ushtrimin e veprimtarisë private të ndërmjetësimit në punë nuk i jepet subjektit kërkuar, në rast se personi fizik/juridik (ortaku, aksionari ose anëtar i organeve drejtuese të tij):

a) ka qene i dënuar për vepra penale të kryera me dashje;

b) provohet se ka kërkuar tarifa nga punëkërkuarët për shërbimet e ofruara;

c) ka përpiluar ose me dijeni ka përdorur dokumente të rreme;

ç) është punonjës i sistemit të Ministrisë së Punës dhe të Çështjeve Sociale dhe ka një funksion të tillë që paraqet konflikt interesi;

d) i është anuluar licenca për mosrespektim të dispozitave të këtij vendimi.

16. Para lëshimit të licencës, Inspektorati Shtetëror i Punës bën inspektimin e mjediseve, të pajisjeve dhe të dokumenteve që zotëron personi fizik/juridik.

17. Komisioni i licencimit, pasi bën vlerësimin e kërkesës dhe të dokumentacionit të paraqitur nga subjektet e interesuara dhe nga Inspektorati Shtetëror i Punës, i propozon Ministrin të Punës dhe të Çështjeve Sociale miratimin ose refuzimin e dhënies së licencës.

18. Afati i marrjes së vendimit për licencimin ose jo të subjektit të interesuar është 30 ditë nga data e marrjes së kërkesës.

19. Licenca jepet për një vit, me të drejtë ripërtëritjeje. Kur licenca merret për herë të parë paguhet një tarifë prej 100 000 (njëqind mijë) lekesh për personat fizikë dhe 150 000 (njëqind e pesëdhjetë mijë) lekesh për personat juridikë. Ripërtëritja është falas.

20. Kërkesa për ripërtëritjen e licencës duhet të bëhet 45 ditë para afatit të skadimit të vlefshmërisë së licencës. Përveç kërkesave të parashikuara në pikën 14 të këtij vendimi kërkohet edhe një raport me shkrim për veprimtarinë e agjencisë.

21. Përpunimi i të dhënave të punëkërkuarëve nga agjencia bëhet duke respektuar konfidencialitetin dhe përdorimin e të dhënave, sipas natyrës së punës.

22. Agjencia nuk duhet të regjistrojë në dosje ose regjistra, të dhëna vetjake të punëkërkuarëve, që nuk janë të nevojshme për të vlerësuar prirjen e tij për vendin e punës.

23. Agjencia duhet t'i ruaje te dhënat vet jake te një punëkërkuksi, vetëm për aq kohe sa justifikohet nga qëllimet e veçanta, për te cilat janë mbledhur këto te dhëna ose për aq kohe sa punëkërkuksi dëshiron te mbetet ne listën e kandidateve te mundshëm për një vend pune.

24. Agjencia, përveç rasteve kur lidhet drejtpërdrejt me kërkesat për një profesion te veçante ose me pëlqimin e punëkërkuksit te interesuar, nuk duhet te kërkojë, te ruaje ose te përdorë te dhëna për gjendjen mjekësore te një punëkërkuksi ose te përdorë një te dhënë te tille për përcaktimin e përshtatshmërisë se tij për punësim.

25. Agjencia, dy here ne vit, njofton Ministrinë e Punës dhe te Çështjeve Sociale për strukturën dhe veprimtarinë e vet.

26. Inspektorati Shtetëror i Punës kryen inspektime periodike për te përcaktuar përputhshmërinë e veprimtarisë se agjencisë me legjislacionin përkatës dhe, kur vëren shkelje, njofton komisionin e licencimit.

27. Anulimi i licencës behet nga Ministri i Punës dhe i Çështjeve Sociale ne rastet kur agjencia:

a) ka shkelur parimin e barazisë, duke diskriminuar punëkërkuksit;

b) pranon drejtpërdrejt ose tërthorazi pagesa, mallra ose shërbime nga punëkërkuksi, përveç pagesës se parashikuar ne piken 4 te këtij vendimi;

c) reklamon njoftime te rreme ose mashtruese për ndërmjetësimin;

ç) bën deklarata, dëshmi te rreme ose përdor dokumente te falsifikuara;

d) nxit drejtpërdrejt ose tërthorazi punëkërkuksin për t'u transferuar ne një vend tjetër pune, përveç kur ky transferim është ne interes te punëkërkuksit;

dh) ndikon ose përpiqet te ndikojë çdo punëdhënës ose ndërmarrje për te mospunesuar disa persona;

e) ofron shërbimet e veta për te miturit;

ë) angazhohet te ndërmjetësoje për punëkërkuksin ne vende pune, qe cenojnë dinjitetin e

Republikës se Shqipërisë;

f) pengon ose përpiqet te pengojë inspektimin e organeve përkatëse;

g) nuk përmbush detyrimet për sigurimet shoqërore ose kontratat e punës për punëmarrësin e vet.

28. Ankimi kundër vendimit për refuzimin e dhënies se licencës dhe për anulimin e saj behet brenda 30 ditëve nga data e njoftimit.

29. Ministri i Punës dhe i Çështjeve Sociale shqyrton ankimin dhe merr vendim brenda një muaji nga data e depozitimit te ankimit. Ne rast se ankimi nuk zgjidhet brenda këtij afati, personi fizik/juridik mund

te ankohet ne Gjykatën e Shkalles se Pare, Tirane brenda 30 ditëve nga përfundimi i afatit te shqyrtimit te ankimit.

30. Vendimet nr.71, date 11.2.1999 "Për mënyrën e licencimit dhe te funksionimit te agjencive private te punësimit" dhe nr.72, date 11.2.1999 "Për mënyrën e licencimit dhe funksionimin e zyrave private te emigracionit" te Këshillit te Ministrave, shfuqizohen.

31. Ngarkohen Ministria e Punës dhe e Çështjeve Sociale dhe Ministria e Financave për zbatimin e këtij vendimi.

Ky vendim hyn ne fuqi pas botimit ne Fletoren Zyrtare.